

「國家社會科學基金重大項目」

何建明 主編

中國地方志
佛道教文獻匯纂

人物卷

(83)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（83）



國家圖書館出版社

中國地方志佛道教文獻匯纂·人物卷
山東省 威海市

文登縣志

清·歐文等修 林汝謨等纂
清道光十九年（一八三九）刻本

雜聞第二十四

文登縣志卷第十

道異於儒書術遊於方外干寶搜神之記齊諧誌怪之篇父老異其傳聞枕中以爲談助蓋專其門則瑣遺其類則漏排此聯綴依次存之亦以備秘館之旁稽焉志雜聞

二仙姑

唐二仙姑者姑餘山下人八歲卽不苟葷十歲入煙霞修煉十三道成王玉陽欲師之姑曰我非汝師數日後汝師當來號重陽子後數日重陽果至遂爲七真之師姑辭玉陽去卽羽化今烟霞清風嶺在寧海界有石廟鐫像並誌在壁一說是卽長春非王玉陽

重陽子

重陽子姓王名嘉陝西盤屋人金大定中往來海上常棲府南修真觀府城中有畫橋重陽子語人曰此橋逢河必壞衆意必爲河水所衝至大定二年何邦彥來守郡改造之乃知其爲仙焉一日

至崑崙謂山前于氏曰此乃吾先世修煉之所有洞曰烟霞驗之果然馬丹陽等七人師事之號爲七真

王玉陽

王玉陽名處一東牟人金大定間侍重陽子居烟霞洞修真重陽授以道法三十六卷載顯異錄後以烟霞人跡雜沓徙居棲山構屋居焉一日遊山之西愛其巉巖自成一洞名曰千真洞

馬丹陽

馬丹陽名鈺字元寶陝西扶風人漢伏波將軍馬援之後先世因五代兵亂徙居寧海弱冠能詩文奇特不凡成進士金大定間遇重陽子教以仙術後遊關東道經芝陽喜其山洞清幽遂修煉其中羽化萊陽遊仙宮西立祠埋設其下邑西東華洞有馬丹陽跌坐石像

牛仙

牛仙不知何許人卜居縣東南平山之陽結茅棲息其中冬夏
易衣常數日不舉火州成以前產棧掘取煮汁和丹服之與一
子俱飛昇素養一青牛出則騎之牛飲棧遺汁亦隨仙去不爾姓
字鄉人稱爲牛仙因改爲牛仙山云

宮仙

宮仙名頤儒字得先號四智祠在崑崙山前土人號爲神仙殿碑
額聖旨二字不知何代所立文稱其昇仙達道登郡宮姓多其遺
裔

鞠恩

鞠恩遊僧不知何許人明永樂間居灣東寺或禪坐晷日或口歷
數山文士多與之遊講論風生八十餘整冠衣而卒顏色不變

王和尚

王和尚號寶知姓于氏文登縣人生九歲而孤剃度於黃縣之寶

多星鼎記

卷一

二

塔寺能解經義兩遊堯興山興福禪林銳志修行契心內典次泰
報恩東遊諸名山後又造湖之武康至和山資壽禪林得臨濟正
宗三十一代宏遠飯依爲師覺悟之後成大知識順治丙申返
登建法源禪院于黃縣之小河登壇說戒紹續薪燈著有語錄三
卷

沈千斤

沈千斤名浩字洪溪北直寧晉人少有膂力善騎射因舉廟中鐵
鼎故人號千斤曾身帶重鎗未武進士仕終京營參將以時事日非
掛冠歸里借外書通遊東海名山棲真鍊槎山之雲光洞人有
叩以姓者則曰鄭真識共爲沈也面壁三年未嘗出一語後移阿
樂村之冲虛齋順治八年正月四日羽化道人李一壺同衆爲坐
柩斂其尸於映陽洞

李常明

李常明卽墨人棲真女松菴修煉鑿福峴口山石爲垣遂邑人西行使之鐫大石云天成入善今存道旁後仙遊不知所之

清信和尚

清信和尚塘實修姓李氏文登人七歲於城北香巖寺出家舉止端嚴有儒行

來道士

來道士不知何許人無姓氏國朝康熙間至大水泊人問何處來輒云來處來因羣以來道上目之與秋溟老人于熙學最莫逆常往蘇山秋溟老人爲供養偶值歲旱延道人求雨不至蒼書字皆不識繼而至問之云古篆書意大抵言歲旱乃天數不可人力求旣允爲祈雨則見其臥樓上啜茶頃刻陰雲四合甘霖大沛人始知其異後預告死期設葬於櫻桃菴至今傳以爲仙

慧章

慧章姓于氏自幼讀書年十八父母爲卜吉親迎先期一日忽病仆地經晝夜父母焚香禱病愈願以爲僧遂愈旣而父母悔之病復發再禱再愈施力勸父母辭昏出家甘泉寺潔志苦修不苟葷酒不交賓客六十餘年如一日八十四無疾而卒

中國地方志佛道教文獻匯纂·人物卷
山東省 威海市

文登縣志

清·李祖年修 于霖逢纂

清光緒二十三年（一八九七）修

民國二十二年（一九三三）鉛印本

文登縣志卷十二

釋道

仙佛之說大半幻怪徒聞其語未見其人蓋柱下道德釋迦宗風亦如聖賢之誕降不數數遇也其有
堅苦卓絕能守彼教之法者類皆有超世之姿瑰異之行亦非庸流所及况孤臣孽子託跡其間有所
激而絕人逃世尤仁人君子所不忍棄也舊志載七真之徒見甯海志李常明見榮成志茲不復贅而
其卓錫邑境託鉢邑寺及邑人而雲遊外地者兼而錄之以見方外之士非滌慮洗心莫由以脫離塵
也 俗

唐

飯敬姓張氏邑人幼歸釋氏長參玄宗一言合道便契眞理初講法於

崑崙山後來城之東北蓮花院住錫焉未幾卒其門人全意等葬之爲

建石幢至今猶存

詳寺觀

金

善溫姓高氏邑人幼好釋典持誦不倦初入望港院爲僧大定三年竭家貲創立香嚴禪院居之處已以潔發言以誠從之遊者聞其一言一偈皆悟入清淨以明昌四年卒弟子建石幢葬之邑進士郭榮祖選文進士王世昌書丹在香嚴寺西北

據石幢增

離峯子名道顯邑于氏子自號離峯子初事劉長生年未二十苦節自持食不棄腐敗居不置廬舍自其少時未知書一日有悟日誦數百言老莊之旨如迎刃而解不數年徧通內外學周急濟困解衣推食恆若不及京師貴人多遊其門正大中提點亳州太清宮賜紫虛大師後卒於洛陽長生觀

元遺山集

元好問紫虛大師于公墓碑

有爲全真之言者衛教夷狄其師而峯子之行請予爲墓道碑曰始吾與峯子事長生劉君年未二十便

能以苦行自立丐食齊魯間雖腐敗委棄蠅蚋之餘食之不少厭不置慮舍爲定居計城市道途過骨甚即止風雨寒暑不卹也吾全真家禁睡眼謂之煉陰魔向上諸人有隔不沾席數十年者吾真峯子行丐至許昌寄止岳祠通夕疾走填城數周日以爲常其堅忍類如此嘗立城門之側有大車載穡粒而過者稿觸其舂忽若有所省懷喜踴躍不能自禁爲一老師鎖閉空室中三日乃止初不知養自是日誦數百言示之老莊隨讀隨講如迎刃而解不數年徧通內外學作爲歌詩伸紙引筆初若不經意肯切於事而合於理學者至今傳之爲人偉儀觀器量博世俗毀譽不以關諸心獨於周急繼困解衣糧食恆若不及也南渡後遺價重一時京師貴游聞師名奔走承事請爲門弟子者不勝紀正大中被旨提點亳州太清宮賜紫虛大師真峯子之平生大略如此致夷將以某年月日葬師於洛陽長生觀吾子嘗許以銘幸卒成之予在三鄉時蓋當望見真峯子於衆人之中及官東南真峯子亦嘗寓需求予爲銘章封事予雅知若人樂與吾屬遊思欲叩其所知而未果也且致夷求予文有年矣今年復自聊城走數百里及予於濟上待之者又累月予病懶於筆墨若謂有疑於其師者然予於真峯子何疑哉予聞之今之人全真道有取於佛老之間故其憔悴寒餓痛自黥劓若枯寂頭陀然及其有得也樹林水鳥竹木瓦石之所感觸則能事願脫縛律自解心光燦然普照六合亦與頭陀得道者無異故當論之夫事與理偕有是理則有是事三尺童子以爲然然而無是理而有是事載於書接見於耳目往往有之是三尺童子不以爲然而老師宿學有不敢不以爲然者予讀夷堅志有平居未嘗知點畫一旦作偈頌碑口成文深入理窟者三數人歎卒厥夫且然况念念在道者乎張內翰敏之真峯子舊也敘其詩歌曰師自以其言爲過之棄物今所以傳者欲知此老林下百詆墨中幾規耳又曰悠然而風鳴汎然而谷應彼區區者或以律度求我是按天籙以宮商而賁渾沌之渺丹霄也吾友孫伯英河洛名士在太學日出高河南獻臣之門若雷希顏淵辛敬之愿劉景玄昂霄其人皆天下選伯英與之遊頭角嶄然不甘落其後一見師即北面事之竟爲黃冠以殓張予所敬而孫予所愛也二君子且然予於真峯子何疑哉乃爲之銘真峯子諱道顯出於

文登于氏初隱觀津女兒之桃花坪過洛陽得劉君齊隱焉居之是爲長生觀住太清宮三年避壬辰之兵於盧氏漆水公迎致鄆下俄以疾終春秋六十有五寓墓其自號云

分食雞豚託處縣蛇視身冠簪自干買羅縠有加耶年可遇也所持者狹而所獲者奢耶豈無考鑒在邇之阿木茹草衣召來天和急而張之弦絕奈何學道之難成使人咨嗟曰婦姑勃誦交喪則多千日之功或棄於毫末之孝彼避險而就夷膏質而趨舉拱璧以先驅焉不免於道等若人者不潰於流不穢於塵始於同氣關弓終以大方爲家願雖有墓於此安知其不冠青雲而佩飛霞也耶

元

靈神子姓孫氏名彬東牟溝頭人齊阜昌中遷居邑中先世稱善門彬少時決志出家金泰和間謁王玉陽於聖水受名道古道號靈神子後往濱都謁長春子北遊燕薊乞食煉心還潯山侍含光子修玉清宮於白石山陽闕梁柱者六忽三櫺木自海浮出議者以爲神助奉朝旨加洞明大師賜金欄紫服道古以道修身以學扶教善卜筮精醫方明壬遁通相術多材多藝道冠東方著有玉陽內傳范無生本行女真戒律

陰符道德南華諸經營舉以授徒闡明道之大旨一日沐浴具衣冠作

頌遣世辭衆而逝年七十五

至元十六年靈神洞明真師真人
道行記今入榮成並見榮成志

李道元號清貧河南衛輝人十歲喪父母後毀身出家持鉢雲遊大德
壬寅至邑之東華宮開朝陽洞鑿五祖七真像十七尊安坐洞中建五
華碑記修建事作石樓閣起三殿封抱元真靜清貧道人延祐庚申三
月召門弟子耿道清曰我有一念未了東華宮前石橋吾不能成就爾
可盡力爲之言畢無疾而逝年七十六葬雲峯菴頂送葬者數百人咸
爲悲泣其後耿道清卒建石橋俗所謂將軍橋也張仲壽爲作道行碑
今在東華宮

抱元真靜清貧李真人道行碑

前翰林學士承旨資善大夫知制誥兼修國史時憲張仲壽撰并書篆

先生姓李氏諱道元自號清貧子衛輝路淇州朝歌人也年甫十歲父母俱喪後於本邑鐵戶孫提舉家爲傭方登不惑之年忽起一念志欲出家因託疾毀身鍼灸成瘡持鉢化飯雲遊西秦京兆於古廟破窰之中撥糠睡眠已經年載心地未明遂上五當山投口口口樓雲玉真人門下袁先生爲師因開石洞工畢隨師往鄧州土洞與緣後到上關西至鳳翔值大雪不能前行復回真定時至元二十六年己丑歲春首偶遇一大師持洞明真人書尋訪三千真人真容於本處得之清貧就送至大都洞陽觀暫住當年四月至雲州金關山今生勿憚勞苦不受苦中苦難爲人上人乃因清貧爲山主拜而受之其志愈堅晝服黃役夜煉睡眠閱三載真人登仙清貧凡住金關十餘年成就大殿齋宮靈堂及豎立豐碑皆與有力焉大德之壬寅歲清貧下山迤南至東華宮竭力興葺開石洞取玉石於冰州鑄五祖七真等法身一十七尊竭中供案瓶爐皆石爲之復採玉石建立五碑記修建等事以碑爲壘作石樓閣乃起三殿兼齊研鑿石爲山門石閣千功緣畢集大德己亥歲欽蒙晉王令旨封抱元真靜清貧真人闕六年大德乙巳清貧往萊陽迎仙宮同口會葬丹陽師祖鑿石爲摩安厝畢復立碑紀其事至大己酉歲益都路宣慰使資善王公庭憲相已資施白金一百兩補助工費大元庚戌春三月欽受聖旨護持東華宮當年秋七月蒙甯海王位下總管忻都保舉敬受甯海王令旨護持本宮延祐改元甲寅歲萊陽縣客司清貧持戒精嚴道心純一就東華教誨於本縣之南在昔長春真人所創迎仙宮久矣聖歷望先生不遺應念修理清貧既到瞻彼殿宇塑像前後裝飾嚴整其殿楹壁飾壓階臺已毀拆補修間於後庭尋得任師父遺蛻卽造石櫛擇日葬本宮良難復立撐閣及造玉石像安奉於內又將丹陽師祖所度十界元百仙圖旋轉刻像各鐫姓名欲立碑而力不滿願於是復回東華宮砌幔月臺壓階所用條石一百餘段長二十尺悉皆完整延祐丁巳之夏四月欽奉聖旨護持迎仙宮各處立石用紀其實當年冬十一月開朝陽洞成羣鶴來自西北翔翥其上年戊午夏建石殿奉太上迎聖像安奉之次復有羣鶴向西北來殿前盤繞久之而去斯皆清貧堅志勤苦感通仙聖有此瑞應蓋清貧之德化所致也延祐庚申歲三月上泮清日召門

弟子耿道清曰我有一念未了爾勿忘吾言東華宮前石橋吾不能成就爾可盡力爲之三年間必當完備道清承命唯諾至已時無疾而逝享年七十有六當日葬本山雲峯庵頂甯海文登官僚士庶僧尼道俗不約而至咸爲悲泣送葬門弟子耿道清不遠先師付囑託其南遊往江西路訪先師舊會首南望州達魯花赤那懷等官處抄注開清寶歸化還此緣事助施中統鈔五千餘貫依師所指建石橋高四十尺長一百二十尺闊一十二尺爾干俱備口師身後之緣壯觀宮前之勝清寶與余爲方外友一紀於茲公之出處頗知其詳蓋清寶受度於袁老先生得法於洞明真人全真門下如公之刻苦勵志勞形進道者指不多屈也門人田道寶耿道清錄其師行實求余序而銘之余何辭乃序公行已而系之以銘曰

先生鐵石心 一志如山立 任道三十年 勤苦如一日 進人而退己 勞形不放逸
糲食布素衣 所行真樸實 遺情無染累 瑞鶴來非一 無疾奄然逝 享年餘七袞

含笑蛻形去 中生萬事畢 稽首作銘詞 頌公書真筆 至治三年歲在癸亥六月望日

武道彬邑居無考賜號雲真淵靜明道真人中憲大夫太子左贊善張起巖爲作道行碑元天歷三年弟子王道安劉道永立石今在東華宮宇多剝蝕略云武尊師卒於崑崙山東華宮之東堂壽年八十官僚士庶咸集於庭表號致奠者不絕師素工醫術卜筮樂施者甚衆問道德求法名者又多雖日夜問答無少倦怠大德元禩五月郡久旱請師求